

**TULAFONO TAU FAAOFI O LE FAAMASINOGA
MO MATAUPU FAATATAU I AIGA 2013**

SAMOA

Faamatalaga e Faamalamalama ai

Faatomuaga:

Ua taumafai le Tulafono Tau Faaofi e faavae le Faamasinoga mo Mataupu Faatatau i Aiga, e avea o se Vaega o le Faamasinoga Faaitumalo, ma aiaia ai mo ona sui tofia ma lana puleaga faa-faamasinoga.

Ua vaevaeina le Tulafono Tau Faaofi i vaega nei e 6:

- (a) Vaega 1: Faatomuaga
- (b) Vaega 2: Faavaeina o le Vaega o le Faamasinoga mo Mataupu Faatatau i Aiga
- (c) Vaega 3: Faaleleiga ma Iuga a le Faamasinoga
- (d) Vaega 4: Puleaga faa-faamasinoga a le Faamasinoga mo Mataupu Faatatau i Aiga
- (e) Vaega 5: Faafoega
- (f) Vaega 6: Aiaiga Eseeese

Fuaiupu:

VAEGA 1
FAATOMUAGA

- Fuaiupu 1:** - ua aiaia ai mo le igoa puupuu ma aiaiga e amata faamamaluina ai.
- Fuaiupu 2:** - ua aiaia ai mo le faamatalaina o uiga o fuaitau.
- Fuaiupu 3:** - ua aiaia ai e faapea o le Tulafono e noatia ai le Malo o Samoa.

VAEGA 2
**FAAVAEINA O LE FAAMASINOGA
MO MATAUPU FAATATAU I AIGA**

- Fuaiupu 4:** - ua faavaeina ai le Faamasinoga mo Mataupu Faatatau i Aiga o Samoa e avea o se vaega o le Faamasinoga Faaitumalo.
- Fuaiupu 5:** - ua tuuina atu ai le malosiaga i Le Ao o le Malo e tofia ai se tagata agavaa e avea o se Faamasino o le Faamasinoga Faaitumalo, e faia i luga o le fautuaga a le Komisi o Galuega Faa-Faamasinoga, ina ia tusa ai ma le fuaiupu 5 o le Tulafono o Faamasinoga Faaitumalo 1969, e avea o se Faamasino o le Faamasinoga mo Mataupu Faatatau i Aiga. Ua faatagaina ai se Faamasino o le Faamasinoga Faaitumalo e tagofia mataupu e faasino i tulafono o aiga ma isi itu e feteenai ai.

VAEGA 3

FAALELEIGA MA IUGA

- Fuaiupu 6:** - ua noatia ai le Faamasinoga po o se loia o lo o avea ma sui o se tagata o lo o faia i ai le auunaga taualumaga ina ia uunaia faaleleiga.
- Fuaiupu 7:** - ua noatia ai itu faamasinoga ina ia auai i taualumaga o isi iuga a le Faamasinoga e foia ai ni feeseeseaiga.

VAEGA 4

PULEAGA FAA-FAAMASINOGA A LE FAAMASINOGA MO MATAUPU FAATATAU I AIGA

- Fuaiupu 8:** - ua aiaia ai mo le puleaga faa-faamasinoga a le Faamasinoga mo Mataupu Faatatau i Aiga e fofogaina ai ma faia faaiuga o mataupu po o taualumaga i lalo o le tulafono ua taua i le faafuaiupu (1).
- Fuaiupu 9:** - ua tuuina atu ai le malosiaga i le Faamasino Sinia o le Faamasinoga Faaitumalo e fuafuaina ai tauaofiaga masani ma tauaofiaga faapitoa a le Faamasinoga.

- Fuaiupu 10:** - ua aiaia ai mo tagata e agavaa e auai i le fofogaina o tualumaga i totonu o le Faamasinoga mo Mataupu Faatatau i Aiga.
- Fuaiupu 11:** - ua faatagaina ai le lomía faasalalau o lipoti o tualumaga i luga i le na o le mafuaaga pe afai e le o lomía faasalalauina ai le faailoagofieina o vaega auai (e aofia ai tamaiti ma isi tagata e aafia gofie mafaufau ma lagona). Ua faapea foi ona faia ai se soligatulafono o le lomía faasalalau o faamatalaga agatapuia.
- Fuaiupu 12:** - ua aiaia ai mo tualumaga a le Faamasinoga mo Mataupu Faatatau i Aiga, ina ia faatulai mai ma tagofia i lalo o le Faamasinoga mo Mataupu e Faatatau i Aiga po o Tulafono Faafoe o le Faamasinoga Faaitumalo.
- Fuaiupu 13:** - ua aiaia ai mo mataupu ua faatulai atu i le Faamasinoga Sili e fesiligia ai le tulafono.
- Fuaiupu 14:** - ua aiaia ai mo mataupu lavelave e faasee atu i le Faamasinoga Sili.
- Fuaiupu 15:** - ua aiaia ai mo le faaagāina o le Tulafono o Faamasinoga Faaitumalo 1969. O le a mausali pea le Tulafono Faatatau i Aiga ua fuafuaina pe afai o lo o i ai se feteenaiga i le va o Tulafono e lua.

VAEGA 5 **FAAFOEGA**

- Fuaiupu 16:** - ua tofia ai le Resitara o le Faamasinoga Faaitumalo e avea ma Tagata e Faafoeina Mataupu o le Faamasinoga mo Mataupu Faatatau i Aiga, e nafa ma le faagaoioiga o le Faamasinoga o mataupu faatatau i aiga ma faamatuu atu so o se matafaioi i so o se tagata ofisa po o tagata faigaluega o le Matagaluega o Faamasinoga ma Pulega Tau Faamasinoga.


Fuaiupu 17: - ua tuuina atu ai le malosiaga i le Tagata e Faafoeina Mataupu o le Faamasinoga mo Mataupu Faatatau i Aiga e tofia ai tagata faufautua, i le noatia ma le fai fuafua i aiaiga ma tuutuuga i lalo o Tulafono Faafoe o le Faamasinoga mo Mataupu Faatatau i Aiga.

VAEGA 6
AIAIGA ESEESE

Fuaiupu 18: - ua tuuina atu ai le malosiaga i Le Ao o le Malo i luga o le fautuaga a le Palemia ma, faatasi ai ma le maliega a le Komiti o Tulafono Faafoe e faia ai Tulafono Faafoe o le Faamasinoga mo Mataupu Faatatau i Aiga.

Fuaiupu 19: - ua tuuina atu ai le malosiaga i Le Ao o le Malo, i le faia i luga o le fautuaga a le Kapeneta, e faia ai tulafono faatonutonu.

Fuaiupu 20: - ua tagofia ai mataupu tau soloaiga e faasino i so o se taualumaga ua amatalia po o o lo o talia i le Faamasinoga Sili po o le Faamasinoga Faaitumalo i lalo o le tulafono ua faasinomia i le fuaiupu 8, a o lumanai ai ona amata faamamaluina le Tulafono ua fuafuaina, ina ia faasee atu i, ma fofogaina ma faia faaiuga i le Faamasinoga mo Mataupu Faatatau i Aiga.


.....
(Hon FIAME Naomi Mataafa)

MINISITA O FAAMASINOGA
MA PULEGA TAU FAAMASINOGA

**TULAFONO TAU FAAOFI O LE FAAMASINOGA
MO MATAUPU FAATATAU I AIGA 2013**

SAMOA

Faatulagaina o Aiaiga

**VAEGA 1
FAATOMUAGA**

1. Igoa puupuu ma le amataga
2. Faamatalaina o uiga o upu
3. Tulafono e noatia ai le Malo

**VAEGA 2
FAAVAEINA O LE
FAAMASINOGA MO
MATAUPU FAATATAU
I AIGA**

4. Faamasinoga mo Mataupu Faatatau i Aiga
5. Tofiaina o Faamasino o le Faamasinoga mo Mataupu Faatatau i Aiga

**VAEGA 3
FAALELEIGA
MA IUGA**

6. Faaleleiga
7. Isi iuga a le Faamasinoga e foia ai ni feeseeseaiga

**VAEGA 4
PULEAGA
FAA-FAAMASINOGA
A LE FAAMASINOGA MO
MATAUPU FAATATAU
I AIGA**

8. Puleaga faa-faamasinoga

9. Tauaofiaga a le Faamasinoga
10. Auai i le fofogaina o taualumaga
11. Lomiga faasalalau o lipoti o taualumaga
12. E ao ona faatulai mai taualumaga ma tagofia i lalo o Tulafono Faafoe o le Faamasinoga mo Mataupu Faatatau i Aiga
13. Mataupu e faatulai atu i le Faamasinoga Sili
14. Faasee atu o taualumaga i le Faamasinoga Sili
15. Faaaogāina o le Tulafono o Faamasinoga Faaitumalo 1969

**VAEGA 5
FAAFOEGA**

16. Tagata e Faafoeina Mataupu o le Faamasinoga mo Mataupu Faatatau i Aiga
17. Faufautua

**VAEGA 6
AIAIGA ESEESE**

18. Tulafono Faafoe o le Faamasinoga mo Mataupu Faatatau i Aiga
19. Tulafono Faatonutonu
20. Aiaiga tau soloaiga ma aiaiga faasaoina

- “Faufautua faatagaina” o lona uiga o se faalapotopotoga, sosaiete, faalapotopotoga ua tuufaatasia faaletulafono, tagata po o se vaega o tagata po o se lala sooupu ua faamaonia e le Tagata e Faafoeina Mataupu a le Faamasinoga mo Mataupu Faatatau i Aiga, e tuuina atu auaunaga faa-faufautua;
- “Faamasinoga mo Mataupu Faatatau i Aiga” po o le “Faamasinoga” o lona uiga o le Faamasinoga mo Mataupu Faatatau i Aiga ua faavaeina i lalo o le fuaiupu 4;
- “Faamasino o le Faamasinoga mo Mataupu Faatatau i Aiga” o lona uiga o se Faamasino o le Faamasinoga Faaitumalo o lo o faatinoina le puleaga faa-faamasinoga a le Faamasinoga mo Mataupu Faatatau i Aiga;
- “Tulafono Faafoe o le Faamasinoga mo Mataupu Faatatau i Aiga” o lona uiga o tulafono faafoe ua faia i lalo o le fuaiupu 18;
- “Loia” o lona uiga o se tagata ua faaulufaleina e avea o se loia ma loia faufautua o le Faamasinoga Sili.

3. Tulafono e noatia ai le Malo - O lenei Tulafono e noatia ai le Malo.

VAEGA 2

FAAVAEINA O LE FAAMASINO MO MATAUPU FAATATAU I AIGA

4. Faamasinoga mo Mataupu Faatatau i Aiga-(1) Ua faavaeina le Faamasinoga mo Mataupu Faatatau i Aiga.

(2) O le Faamasinoga mo Mataupu Faatatau i Aiga e tatau ona:

- (a) avea ma se Vaega o le Faamasinoga Faaitumalo; ma
- (b) aofia ai Faamasino o le Faamasinoga mo Mataupu Faatatau i Aiga ua tofia e tusa ai ma lenei Tulafono.

5. Tofiaina o Faamasino o le Faamasinoga mo Mataupu Faatatau i Aiga-(1) E mafai e Le Ao o le Malo, i le faia i luga o le fautuaga a le Komisi o Galuega Faa-Faamasinoga, ona tofia se tagata talafeagai ma lelei, e avea ma Faamasino o le Faamasinoga Faaitumalo, e tusa ai ma le fuaiupu 5 o le Tulafono o Faamasinoga Faaitumalo 1969, e avea ma Faamasino o le Faamasinoga mo Mataupu Faatatau i Aiga.

(2) E ao i se tagata ua tofia i lalo o le faafuiaiupu (1) ona avea e faapea o se tagata talafeagai e tagofia mataupu e faasino i Tulafono o Aiga.

(3) E mafai e se Faamasino o le Faamasinoga mo Mataupu Faatatau i Aiga mai lea taimi i lea taimi ona seei e avea ma po o le faatino o so o se malosiaga o se Faamasino o se Faamasinoga Faaitumalo.

(4) E mafai e se Faamasino o le Faamasinoga Faaitumalo mai lea taimi i lea taimi ona seei e avea ma, po o le faatino o so o se malosiaga o se Faamasino o le Faamasinoga mo Mataupu Faatatau i Aiga.

VAEGA 3 **FAALELEIGA MA IUGA**

6. Faaleleiga-(1) I totonu o so o se taualumaga ua amataina i le Faamasinoga mo Mataupu Faatatau i Aiga, e ao i le Faamasinoga i so o se tulaga e mafai ai ona faatino ona uunaia faaleleiga.

(2) E ao i se loia o lo o galue e avea ma sui o se itu faamasinoga i se taualumaga i totonu o le Faamasinoga mo Mataupu Faatatau i Aiga, ona uunaia faaleleiga i so o se tulaga e mafai ai.

7. Isi iuga a le Faamasinoga e foia ai ni feeseeseaiga - A o lumanai ai le fofogaina o se mataupu taua i totonu o le Faamasinoga mo Mataupu Faatatau i Aiga, e ao i itu faamasinoga ona auai i nisi tulaga o isi iuga a le Faamasinoga e foia ai ni feeseeseaiga e faamalieina ai le Faamasinoga, seia vagana ai ua faamalieina le Faamasinoga e faapea e le o ausia se tulaga talafeagai tau maliega po o tulaga aliae mai o le mataupu e faapea ai e le o talafeagai isi iuga a le Faamasinoga e foia ai ni feeseeseaiga.

VAEGA 4
PULEAGA FAA-FAAMASINOVA
A LE FAAMASINOVA MO MATAUPU
FAATATAU I AIGA

8. Puleaga faa-faamasinoga-(1) E i ai le puleaga faa-faamasinoga a le Faamasinoga mo Mataupu Faatatau i Aiga e fofogaina ai ma faia le faaiuga o se mataupu po o taualumaga i lalo o so o se tulafono ua taua e faapea:

- (a) Tulafono o Tamaiti 1961;
- (b) Tulafono o le Saogalemu o Aiga 2013;
- (c) Tulafono o le Tausiga ma Faamaoniga o Tama 1967;
- (d) Tulafono o Mafuaaga o le Tatalaga o Faaipoipoga 1961;
- (e) Tulafono o Faaipoipoga 1961;
- (f) Tulafono o le Faamauina o Pepe Fananau Mai, Tagata Maliliu ma Faaipoipoga 2002;
- (g) so o se isi lava tulafono o lo o tuuina atu ai le puleaga faa-faamasinoga i le Faamasinoga mo Mataupu Faatatau i Aiga po o le Faamasinoga Faaitumalo.

(2) O se faasinomaga e faia i le Faamasinoga Sili, Faamasinoga Faaitumalo po o isi faamasinoga mauualalo i so o se tulafono i lalo o le faafuaiupu (1), ua teuteuina nei ma e ao ona faitauina e avea o se faasinomaga i le Faamasinoga mo Mataupu Faatatau i Aiga.

9. Tauaofiaga a le Faamasinoga - E mafai e le Faamasino Sinia o Faamasinoga Faaitumalo ona fuafua tauaofiaga masani ma taualumaga faapitoa a le Faamasinoga mo Mataupu Faatatau i Aiga i so o se nofoaga, aso ma taimi ua fuafuaina e le Faamasino.

10. Auai i le fofogaina o taualumaga-(1) E na o tagata nei ua taua e mafai ona auai i le fofogaina o taualumaga i le Faamasinoga mo Mataupu Faatatau i Aiga:

- (a) o tagata ofisa o le Faamasinoga; ma
- (b) itu faamasinoga i taualumaga; ma
- (c) loia o lo o fai ma sui o itu faamasinoga i taualumaga; ma

- (d) tagata molimau; ma
 - (e) tagata agavaa faasalalau e lipotia tala fou; ma
 - (f) tagata ia o lo o faatagaina e le Faamasino o le Faamasinoga mo Mataupu Faatatau i Aiga, ina ia auai e aveva ma tagata lagolago mo se itu faamasinoga i luga o se talosaga a lea itu faamasinoga; ma
 - (g) so o se isi lava tagata o ia lea e faatagaina e le Faamasino o le Faamasinoga mo Mataupu Faatatau i Aiga ina ia auai.
- (2) E leai se mea i totonu o lenei fuaiupu e faatapulaaina ai so o se isi lava malosiaga o le Faamasinoga e:
- (a) fofogaina ai taulumaga i se tulaga e lē faalauaiteleina; po o
 - (b) le faatagaina ai o se tagata fesoasoani i se tagata talosaga i mataupu faa-faamasinoga ina ia auai; po o
 - (c) le lē auai ai o so o se tagata i le Faamasinoga.

11. Lomiga faasalalau o lipoti o taulumaga-(1) E mafai e se tagata ona lomiga faasalalau se lipoti o taulumaga o le Faamasinoga mo Mataupu Faatatau i Aiga pe afai e le o faailoagofieina atu itu faamasinoga, i so o se tamaitiiti ma isi tagata e faigofie ona aafia o latou mafaufau ma lagona, o i latou ia o lo o faa-autu i ai taulumaga, e aafia ai so o se mataupu lea e ono faailoa atu ai i latou.

(2) O lenei fuaiupu e faasino foi i le fuaiupu 13 ma le 14.

(3) O se tagata o ia lea ua ia lomiga faasalalau pe taulamua e lomiga faasalalau so o se mataupu agatapuia e lē usitaia ai le faafuaiupu (1), ua faia se soligatulafono ma e noatia i luga o se moliaga ua faamaonia faaetulafono i se sala tupe e lē silia le 50 iunite tau faasalaga, po o le nofosala i le falepuipui mo se vaitaimi e lē silia le ono (6) masina, po o faasalaga uma e lua.

(4) I totonu o lenei fuaiupu “lomiga faasalalau” e aafia ai le lomiga faasalalau i totonu o so o se nofoaga faainitaneti (e aafia ai lomiga faasalalau i luga o so o se telefoni feaveai e fesootai ai po o masini e mafai ona feaveai po o se masini faapena) lea e masani ona avanoa i ai tagata lautele.

12. E ao ona faatulai mai tualumaga ma tagofia i lalo o Tulafono Faafoe o le Faamasinoga mo Mataupu Faatatau i Aiga - E ao i tualumaga uma o le Faamasinoga mo Mataupu Faatatau i Aiga ona faatulai mai ma tagofia i lalo o Tulafono Faafoe o le Faamasinoga mo Mataupu Faatatau i Aiga, po o Tulafono Faafoe o le Faamasinoga Faaitumalo pe afai e talafeagai ai.

13. Mataupu e faatulai atu i le Faamasinoga Sili-(1) E mafai e se Faamasinoga mo Mataupu Faatatau i Aiga, i luga o se talosaga po o lona sogasoga lelei, ona faatulai atu se mataupu mo se manatu faaalua o le Faamasinoga Sili e uiga i so o se tulaga ua fesiligia ai le tulafono ua tulai mai i se mataupu ua i luma o le Faamasinoga mo Mataupu Faatatau i Aiga.

(2) Afai ua faamaufaaailogaina le poloaiga mo se mataupu ua faatulai atu, e ao i le Resitara o le Faamasinoga Faaitumalo ona faaoo atu i le Resitara o le Faamasinoga Sili se ata o le poloaiga, faamatalaga tetee uma, faamatalaga tauto ma isi pepa aloaia ua faatoai atu i le Faamasinoga mo Mataupu Faatatau i Aiga e fesootai ma tualumaga ma so o se isi pepa aloaia e mafai ona faatonuina e le Faamasino o le Faamasinoga mo Mataupu Faatatau i Aiga.

(3) E mafai e le Faamasinoga Sili ona fofogaina ma faia le faaiuga o le mataupu ua faatulai atu i lalo o lenei fuaiupu e faapei ai na uluai amatalia tualumaga i le Faamasinoga Sili, e tusa ai ma Tulafono Faafoe o le Faamasinoga Sili (Tualumaga Tau le Va o Tagata) 1980.

14. Faasee atu o tualumaga i le Faamasinoga Sili-(1) E mafai e le Faamasinoga mo Mataupu Faatatau i Aiga, i luga o se talosaga po o lona lava sogasoga lelei, ona poloaia e faapea ia faasee atu tualumaga i le Faamasinoga Sili pe afai ua faamalieina o ia e faapea ia faanatinati le tagofiaina o tualumaga e le Faamasinoga Sili, ona o le lavelave o tualumaga po o so o se fesili o lo o avea ma mataupu autu o tualumaga.

(2) E i ai i le Faamasinoga Sili le puleaga faa-faamasinoga tutusa lea e i le Faamasinoga mo Mataupu Faatatau i Aiga i le fofogaina ma le faia o faaiuga o taualumaga ua faasee atu i ai i lalo o lenei fuaiupu.

15. Faaaogāina o le Tulafono o Faamasinoga Faaitumalo 1969-(1) Ae vagana ai mo mataupu ua aiaia i totonu o lenei Tulafono, e faaaogā le Tulafono o Faamasinoga Faaitumalo 1969 i le Tulafono lenei, faatasi ai ma so o se fetuunaiga ma suiga talafeagai e faapei ai o faasinomaga ua faia i le Faamasinoga Faaitumalo ma Faamasino o le Faamasinoga Faaitumalo, o faasinomaga lava na i le Faamasinoga mo Mataupu Faatatau i Aiga ma le faamasino o lea lava Faamasinoga.

(2) E mausali lenei Tulafono pe afai o lo o i ai se feteenaiga i le va o lenei Tulafono ma le Tulafono o Faamasinoga Faaitumalo 1969.

VAEGA 5 FAAFOEGA

16. Tagata e Faafoeina Mataupu o le Faamasinoga mo Mataupu Faatatau i Aiga-(1) O le Resitara o le Faamasinoga Faaitumalo o le Tagata lea e Faafoeina Mataupu o le Faamasinoga mo Mataupu Faatatau i Aiga.

(2) E mafai e le Resitara o le Faamasinoga Faaitumalo ona faamatuu atu so o se galuega tauave a le Tagata e Faafoeina Mataupu o le Faamasinoga mo Mataupu Faatatau i Aiga i so o se tagata ofisa po o se tagata faigaluega o le Matagaluega o Faamasinoga ma Pulega Tau Faamasinoga.

(3) E ao i le Tagata e Faafoeina Mataupu o le Faamasinoga mo Mataupu Faatatau i Aiga ona tuufaatasia fautuaga ma auaunaga e fesootai i ai ia e manaomia mo le faagaoioia lelei o le Faamasinoga mo Mataupu Faatatau i Aiga.

17. Faufautua - E mafai e le Tagata e Faafoeina Mataupu o le Faamasinoga mo Mataupu Faatatau i Aiga ona tofia faufautua faatagaina i luga o ia aiaiga ma tuutuuga e pei ona aiaia mai i Tulafono Faafoe o le Faamasinoga mo Mataupu Faatatau i Aiga.

VAEGA 6
AIAIGA ESEESE

18. Tulafono Faafoe o le Faamasinoga mo Mataupu Faatatau i Aiga-(1) E mafai e Le Ao o le Malo, i le faia i luga o le fautuaga a le Palemia ma, faatasi ai ma le maliega a le Komiti o Tulafono Faafoe, ona faia tulafono faafoe e faatonutonu faaletulafono ai le faatinoga ma taualumaga a le Faamasinoga mo Mataupu Faatatau i Aiga.

(2) E aunoa ma le faatapulaaina o le faafuaiupu (1), e mafai e tulafono faafoe ona aiaia ai mo:

- (a) le faatulagaga ma mea e aofia ai i totonu o pepa aloaia;
- (b) pepa faatumu e manaomia i lalo o le Tulafono ma le pule faataga e faia ai pepa faatumu;
- (c) le auala mo le faooina atu o pepa aloaia ma le tuuina atu o faasilasilaga;
- (d) le faaseeina atu o taualumaga;
- (e) le tausia, sailia ma le faaliliuina atu o faamaumauga;
- (f) auaunaga ma taualumaga faa-faufautua;
- (g) isi auala e foia ai ni feeseeseaiga seia vagana ai ua faia ni tulafono faafoe mo le faamoemoe ina ia foia ai feeseeseaiga i lalo o le Tulafono o Isi Iuga a le Faamasinoga e Foia ai ni Feeseeseaiga 2007;
- (h) so o se isi lava mataupu e talafeagai ai mo le faatonutonuina faaletulafono o le faiga po o taualumaga a le Faamasinoga mo Mataupu Faatatau i Aiga.

19. Tulafono Faatonutonu - E mafai e Le Ao o le Malo, i le faia i luga o le fautuaga a le Kapeneta, ona faia tulafono faatonutonu e talafeagai mo le faatinoga o, po o mo faamoemoega o lenei Tulafono, ma aemaise lava tulafono faatonutonu e faatonuina ai:

- (a) totogifuapauina mo taualumaga, po o taualumaga ua fuafuaina i totonu o le Faamasinoga mo Mataupu Faatatau i Aiga, ma isi mataupu e faasino i totogifuapauina; ma
- (b) taualumaga ia e aafia ai mataupu e mautinoa e manuia ai tagata lautele.

20. Aiaiga tau soloaiga ma aiaiga faasaoina - O mataupu ma taualumaga uma ua amataina po o talia i le Faamasinoga Sili po o le Faamasinoga Faaitumalo a o lumanai ai le amata faamamaluina o lenei Tulafono i lalo o so o se isi tulafono ua faasinomia i totonu o le fuaiupu 8, e ao ona faasee atu e aunoa ma le faatali ina ia fofogaina ma faia ai faaiuga i le Faamasinoga mo Mataupu Faatatau i Aiga.
